

Glenbert Croes na Elvis Hill:

Cu bo declaracion MEP ta discrimina tur latino Arubiano

Si bo conoce mi tata y ami bo no ta haci e expresion ey!



ORANJESTAD (AAN)—Glenbert Croes, lider di partido OLA a declara na DIARIO cu gran decepcion cu el a tuma nota di e declaracion di un hoben politico pa cual e tin gran aprecio.

A expresa: “pero lamentablemente mi mester conclui cu e no por tin aprecio pa mi sino e no a expresa e falsedad ey riba mi. Ta parce cu mi colega politico Elvis no ta realiza cu e declaracion e ta pone MEP discrimina tur Latino di Nacionalidad Hulandes cu ta biba ariba Aruba: BO TA PONE MEP DISCRIMINA TUR LATINO ARUBIANO. Mi ta pone dos biaha pa ohala e penetra y pa Elvis realiza cu E ta SEGREGANDO”.

A sigui bisa: “Tambe ta parce cu mi colega Elvis Hill no por a conoce mi Tata nos Libertador, y cu obviamente e no conoce mi suficiente tampoco. Pasobra mi Tata a bisa: Arubiano no ta solamente esnan cu a nace na aruba sino tambe esnan cu a bin aruba forma nan famia cu ta stima aruba y ta traha pa e progreso di nos isla. Si bo sa cu nos Libertador tabata pensa asina, con bo por expresa di e forma unda cu bo

acusacion contra mi di segregacion bo ta bira e discriminador cu bo palabranan. E Croesnan por lo cual mi persona sigur como yiu di Betico, nos ta conoci como hende di tur hende: asina mi Tata tabata ta y asina ami ta. Den mi bida hamas ami ta discrimina. Mi a caba di bin di Hulanda bringando contra e discriminacion di nos Arubianonan na Hulanda pa awor bo bisami cu mi kier segrega nos pueblo?.

Mi tin un ehempel y esey ta esun di mi Tata: un pueblo uni hamas por ser hundi. Mi Tata a uni nos pueblo tras di un lucha pa libertad di Aruba cu awe mas nunca nos mester lucha pa preserva y awor atrobe nos lo uni nos pueblo tras di e lucha pa Status Aparte Plus, y pa den e referendum tur arubiano no importando bo origen apoya e lucha pa preserva y conserva loque nos tin y lucha pa un caminda di oportunidad cu europa manteniendo e integridad y libertad di nos pueblo cu no a bin gratis. pero Elvis con

MEP kier uni nos pueblo: discriminando e latinonan atravez di bo palabranan?. Mi ta pidi bo recapacita sino e

acusador ta bira e pecador.

OLA si ta un partido pa tur Arubiano no importando bo

pais di nacimiento. Esaki ta e pensamiento di nos Libertador, esaki ta mi pensamiento tambe.

Ta Ministro mes kier dicta den trabao di Departamento di Bombero

Ministro Rudy Croes ta ridiculiza hefenan di Departamentonan

ORANJESTAD (AAN) Na momento cu un ministro declara publicamente cu si un hefe di un departamento cu ta cay bao di su ministerio no por traha un schedule drechi, anto laga e ministro mes haci tal, esaki ta nada otro cu bo ta haci bo hefe di departamento publicamente ridiculo.

Esaki ta comentarionan haya for di ambtenaarnan rabia y indigna cu expresionnan haci di parti di ministro di husticia kende a mostra bon cla cu e kier bay pa cabes di e hefe di departamento di bombero.

E asunto cu no tabata tin suficiente bombero pa atende aeropuerto y debi na esey KLM a nenga di lanta vuelo algun dia pasa, a pone cu e ministro encarga cu bombero

a bay haci declaracionnan descabeya contra hefe di departamento di bombero.

Mas y mas eleccion yega cerca, mandatarionan den e gobierno actual di MEP ta sigui haci disparatenan cu lo hinca e pais den mas problema cu nan a hinke caba durante ultimo tres aña y mey, segun comentarionan haya for di seno di esnan cu ta traha pa gobierno y cu cada dia ta wordo confronta cu un maneho di intimidacion na pia di trabao ora cu cos no bay directamente na amen politico di ministronan.

Comisario Jan van der Straten kende a haci su trabao y a cumpli cu ley, tambe a wordo confronta cu intimidacion y persecucion

politico y cos a yega dje leu ey cu ministro Rudy Croes y Prome Ministro Nel Oduber awor ta exigiendo su cabes y nan a haya cara abao di parti di ministro hulandes kende e siman aki lo ta na Aruba.

Pa otro hefenan di departamentonan den gobierno no tin ministro Hulandes pa sali na nan defensa y ta pueblo so por defende nan durante e siguiente eleccion, tabata comentarionan haya for di ambtenaarnan rabia.

Polis y bomberonan pronto lo bay den accion segun rumornan cu ta core y tin posibilidad grandi cu e siman aki durante cu e ministro hulandes ta di bishita na Aruba lo bay tin accion di protesta masal.



BEST DEAL


Tel: 582-7100

(Pariba di Aruba Bank - Paradera)

BEST SHOPPING DEAL

Turibana Plaza - Noord

Tel: 586-5455



Special

Better late April a cur e guy Aruba, (Gung). hopi pabie padushi R Benjamin, familia na y Venez PaRtY!?!? (via Intern

Hopi pabie casa de p papi Aba Malida y Catheres muchas fe

Hoy esta Auilar P de sus 2 bien de s

Ayera e haci añ GILKES mama Ph y demas bario su Hulanda. (via Intern

TELE 582-